

"Ўзимни ҳамиша юртимизнинг энг бахтли аёллари сафида кўраман"

"Сирдарё ИЭС"нинг бахтли кранчи аёли

(Боши 1-саҳифада)

Барно Пардаева мана 23 йилдирки, корхонанинг Марказлаштирилган таъмирлаш цехида кран машинисти бўлиб ишлайди. Кўпчилик бу касбни аёллар учун тўғри келмайди, деб ҳисоблайди. Лекин Барно Пардаева ўз касбидан мамнунлигини яширмайди, чунки у ишлаб чиқаришнинг барча босқичларини пухта ўзлаштирган. Корхонанинг ҳар бир бурчаги унга ёд, ҳар бир ходим унга қадрдон бўлиб кетган.

Асли ўқитувчи бўлишни орзу қилган Барно Пардаева 1989 йили Ховос туманидаги ўрта мактабни тугатган, олий ўқув юртига ҳужжат топширади. Аммо омади чопмай ўқишга кира олмайди. 1997 йили Бекобод шаҳридаги "Сигма" ўқув марказида касб-хунар эгаллаш учун ёш хотин-қизлардан ҳужжат қабул қилинаётганидан хабар топади.

– Ўқув марказига ҳужжатларимни топширдиму касб-хунарга эга бўлиб, завод ёки фабрикада ишлаб олишимдан жуда қувондим, – дейди у. – Турмуш ўртоғим иссиқлик электр станцияси Марказлаштирилган таъмирлаш цехида ишларди. Бу ҳақда унга айтганимда касб эгалламоқчилигимни эшитиб, мени қўллаб-қувватлади. 1997 йили 35 нафар йигит-қиз Бекобод шаҳрига, "Сигма" ўқув марказига касб-хунар эгаллаш учун ўқишга кетдик. Бу ерда қизлар учун тикувчилик, ошпазлик, бўёқчилик ва кран машинисти касбларига жой бор экан. Мен кран машинисти касбини

танладим ва бундан сира афсусланмаيمان. Бекобод шаҳрининг ўзида 6 ой назарий ўқув курсини тугаллагач, Бекобод цемент заводида 6 ой давомида амалиёт ўтадим ва кран машинисти бўлиб ишладим. Шундай қилиб, 1 йилдан кейин мен амалий малакага эга мутахассис сифатида кран машинисти касбини тўлиқ эгаллаб бўлган эдим.

1999 йилда Б. Пардаева "Сирдарё ИЭС" АЖ корхонасига кран машинисти бўлиб ишга кирди ва мустақил ишлаб бошлади.

– Биласизми, кран машинисти ишини ҳам худди автомашина ҳайдовчиси касбига қиёслаш мумкин, – дейди табиатан хушчақчақ, киришимли, чеҳраси очиқ Барно опа. – Кранда ишлаш доимо диққат-эътибор, ҳушёрликни, юқори даражадаги малакани талаб қилади. Айниқса, 32 метр баландликда туриб, ишлаб турган қурилмалар устидан юк олиб ўтиш, ўта оғир ва катта ўлчамдаги юкларни силжитиш, кўпинча тунги ишлар – алоҳида малака ва дадилликни, юкни илдирувчи ходимларга талабчан бўлишни талаб қилади. Шу билан бирга диққатни жам қилиш учун ишга доимо руҳан ва жисмоний жиҳатдан тайёр бўлиб келиш зарур. Акс ҳолда бу иш жараёнида ўта жиддий кўнгилсизликлар юзага келиши мумкин. Турмуш ўртоғим доимо мени қўллаб-қувватлаб келади. Уч нафар фарзандимиз бор. Катта ўғлим Элдоржон Ширин Энергетика ва маиший хизмат касб-хунар коллежини тугатиб,

ҳозирда тадбиркорлик билан шуғулланмоқда. Сарваржон эса Чирчиқ давлат жисмоний тарбия институтини ўқияпти. Қизим Гулгина эса мактаб ўқувчиси. Мана 1999 йилдан бери ИЭС кран-



ларини бошқариб келаяпман. Корхонамизнинг модернизация жараёнида фаол иштирок этдим ва мен ўз танлаган касбимдан фахрланаман. Минг бор шукр, тақдиримдан жуда хурсандман. Негаки, ҳалол меҳнатим орқали обрў-эътибор топдим, ҳамкасблар меҳрини қозондим. Ишхонамни, ишимни жуда яхши кўраман. Меҳнатимнинг муносиб қадрланиши, ишчилар ўртасидаги оқибат, қолаверса, сабр ва шукроналик ушбу корхонада узоқ йиллардан буён ишлашимга омил бўлган. Бу даргоҳда ишлаб кам бўлмадим. Уйли-жойли бўлдим, ишимдан қадр топдим. Буларнинг барчасига касбимнинг



ЯНГИ КИТОВ

1937 йил Абдурауф Фитрат, Абдуҳамид Чўлпон, Абдулла Қодирий синғари улугъ маърифатпарвар аждодларимиз қатагон қурбонларига айланди. Шундан 12 йил ўтиб, ушбу китоб қаҳрамонлари – ота-бола Мирза Тўлаев ва Абдирайим Мирзаев ҳам айнан "халқ душмани" деган сохта айблов билан қатагонга дучор этилган... Шоир, журналист Ғулом Мирзо қаламига мансуб мазкур китобда шулар ҳусусида батафсил сўз юритилди.



Ҳурматли муштарийлар! Тарихий далиллар ва муаллифнинг шахсий хотиралари асосида ёзилган ушбу асар сиз, азизларни ҳам бефарқ қолдирмайди, деган умиддамыз.

орқасидан эришдим.

Барно Пардаева билан суҳбатимиз анча давом этди. Бугунги кунда аёлларимизга яратилаётган шароитлар, оиладаги муҳит, фарзандлар тарбиясидаги жиҳатлар, ишдаги жараёнлар суҳбатимиз мавзусига айланди.

– Мен ўзим орзу қилганимдек барибир ўқитувчиман. Тўғри ўқитувчи бўлмасам-да, ҳозирда кўплаб шогирдларим бор, уларга ўзимнинг билганларимни ва иш тажрибаларимни ўргатиб келмоқдаман. Шогирдларимнинг мени "Устоз" дейишлари кўнглимда ўз касбимга бўлган масъулиятни янада оширади, ушбу соҳани янада кўпроқ ўрганишимга ундайди, – дейди Барно опа. – Мен ҳамиша юртимизда биз, аёлларга бўлган эътибордан миннатдорман. Улкан корхонанинг оддий бир кранчи машинисти бўлиб ишлаётганимдан фахрланаман. Ўзимни ҳамиша Ватанимизнинг энг бахтли аёллари сафидаман, деб ҳис этиб яшаяпман.

Шухрат СУЯРОВ,
Ўзбекистон Журналистлари
ижодий уюшмаси аъзоси.



БУ БОҒЛАР БИР БОҒЛАР БЎЛАДИ ҲАЛИ

Яшнобод туманидаги 161-умумтаълим мактаби ўқувчилари ҳам "Яшил макон" умумийлик лойиҳаси доирасида гўзал ва хайрли иш – кўчат экиш ишларида фаоллик кўрсатмоқда.

Кутлов

Ўзбекистон Республикаси автомобиль йўллари давлат қўмитаси тасарруфидаги

ТОШКЕНТ КЎПРИКЛАРДАН ФЙДАЛАНИШ УНИТАР КОРХОНАСИ ЖАМОАСИ

азиз ватандошларимизни яқинлашиб келаятган

НАВРЎЗ – умумхалқ байрами билан самимий табриклайди.

Жонажон Ўзбекистонимизнинг янада обод бўлишига айланиши, жаҳон майдонидаги нуфузи ва мавқеи тобора мустаҳкамланиши, халқимиз турмушининг янада ободлиги йўлидаги эзгу ишларида гайрату шижоат, улкан зафарлар тилайди.

Байрам юртимизга қут-барака олиб келсин!

НАВОИЙ АВТОЙЎЛ ХУДУДИЙ ЙЎЛЛАРДАН ФЙДАЛАНИШ КОРХОНАСИ ЖАМОАСИ

диёримиз аҳлини меҳр-оқибат, файзу барака шодиёнаси –

Наврўзи олам билан муборакбод этади.

Наврўз шуқуҳи қалбингизга қувонч, дилингизга сурур, ўзингизга хотиржамлик бахш этсин. Мустаҳкам соғлиқ, хушқайфият доимо ҳамроҳингиз бўлсин!

QISHLOQ HAYOTI

МУАССИСЛАР:
Ўзбекистон Республикаси Вазирлар Маъҳаммаси комплекси таркибидagi ҳамда бошқа дахлдор вазирлик ва идоралар.

Бош муҳаррир: Чори ЛАТИПОВ

Таҳрир ҳайъати:

Жамшид ХУҲАЕВ, Шавкат ҲАМРОЕВ, Шухрат ТЕШАЕВ, Муҳаммаджон ТОШБОЛТАЕВ, Ақтам ҲАИТОВ, Маҳмуд ТОИР, Ҳабиб ТЕМИРОВ (бош муҳаррир ўринбосари), Раимқул СУЯРОВ (бош муҳаррир ўринбосари).

Саҳифаловчи-дизайнер: Маркс ЮСУПОВ

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган. Ҳажми 2 босма табоқ, Офсет усулида босилди, қоғоз бичими А-2. НАШР ИНДЕКСИ – 144. Бюролма Г-347. 2026 нусхада чоп этилди.

Газета "Шарқ" нашриёт-матбаа акциядорлик компанияси босмахонасида босилди. Манзили: "Буюк Турон" кўчаси, 41-уй. 1 2 3 4 5 6

Манзилими: 100000, Тошкент, Матбуотчилар кўчаси, 32-уй. Телефонлар: Қабулхона – (0-371) 236-26-50. Факс – (0-371) 233-09-93. Реклама ва эълонлар – (0-371) 236-26-50, (0-371) 233-28-04. e-mail: infoqishloqhayoti@mail.ru Баҳоси келишилган нарҳда.

ISSN 2010-7021



Босишга топшириш вақти: 21.00
Босишга топширилди: 20.30